

# პავლე მოციქულის პირველი წერილი კორინთელთა მიმართ

## მოკითხვა კოჩინთოს ეკლესიას

**1** პავლე, იესო ქრისტეს მოწოდებული მოციქული ღვთის ნებით და ძმა სოსთენი,

2 ღვთის ეკლესიას, რომელიც კორინთოშია, ქრისტე იესოში განწმენდილთ, მოწოდებულ წმიდებს, ყველასთან ერთად, ვინც მოუხმობს ჩვენი უფლის იესო ქრისტეს სახელს, ყველა ადგილას – მათთან და ჩვენთან:

3 მაღლი თქვენ და მშვიდობა ჩვენი მამა ღმერთისა და უფალ იესო ქრისტესაგან.

## მადლობა მადლისთვის

4 მარადის ვმადლობ ღმერთს თქვენთვის, ღვთის მადლისათვის, რომელიც გებოძათ თქვენ ქრისტე იესოში,

5 იმიტომ, რომ გამდიდრდით მასში ყოველივეთი, ყო-

ველგვარი სიტყვით და ყოველგვარი ცოდნით,

6 რადგან ქრისტეს მოწმობა განმტკიცდა თქვენში,

7 ისე, რომ არ გაკლიათ არავითარი ნიჭი ჩვენი უფლის იესო ქრისტეს გამოცხადების მოლოდინში,

8 ვინც განგამტკიცებთ თქვენ ბოლომდე, რათა უმწიკვლო იყოთ ჩვენი უფლის იესო ქრისტეს დღეს.

9 სარწმუნოა ღმერთი, რომლისგანაც იქენით მოწოდებულნი მის ძესთან, ჩვენს უფალ იესო ქრისტესთან თანაზიარებისათვის.

## შეგონება განხეთქილების ნიმალმდე

10 ხოლო მე შეგაგონებთ, ძმანო, ჩვენი უფლის იესო ქრისტეს სახელით, რომ ყველანი ამბობდეთ ერთსა და იმავეს და არ იყოს თქვენში განხეთქილება, არამედ გაერ-

თიანებულნი იყოთ გონებით და აზრით.

11 რადგან ჩემთვის ცნობილი გახდა, ძმანო, ქლოეს ხალხისგან, რომ თქვენს შორის დავაა.

12 მე ვგულისხმობ, რომ ყოველი თქვენგანი ამბობს: მე პავლესი ვარ, მე აპოლოსისა, მე კეფასი, მე კი ქრისტესიო.

13 განა გაიყო ქრისტე? განა პავლე ეცვა ჭვარს თქვენთვის? ან პავლეს სახელით მოინათლეთ?

14 მადლობას ვწირავ ღმერთს, რომ არცერთი თქვენგანი არ მომინათლავს, გარდა კრისპოსის და გაიოზისა,

15 რათა ვინმემ არ თქვას, რომ ჩემი სახელით მოინათლეთ.

16 მოვნათლე აგრეთვე სტიფანას სახლი. მათ გარდა კი, არ ვიცი, თუ მოვნათლე ვინმე,

17 რადგან ქრისტეს არ მოვუვლენივარ სანათლავად, არამედ სახარებლად – არა ბრძნული სიტყვებით, რათა

არ გაუქმებულიყო ქრისტეს ჭვარი.

### ჯვახცმული ქრისტე ღვთის ძალაა და სიბრძნე

18 ვინაიდან სიტყვა ჭვრის შესახებ სისულელეა მათთვის, რომელნიც იღუპებიან, ხოლო ჩვენთვის, რომელნიც გადავრჩებით, ღვთის ძალაა.

19 რადგან სწერია: „ბრძენთა სიბრძნეს მოვსპობ და გონიერთა გონიერებას არად ჩავაგდებ.“

20 სად არის ბრძენი? სად არის მწიგნობარი? სად არის ამ საუკუნის მოკამათე? განა სისულელედ არ აქცია ღმერთმა სიბრძნე ამ სოფლისა?

21 ვინაიდან, რაკი ღვთაებრივ სიბრძნეში ვერ იცნო ღმერთი სოფელმა თავისი სიბრძნით, ღვთისთვის სათნო იყო მორწმუნეთა ხსნა ქადაგების უგუნურებით.

22 რადგან იუდეველნი მოითხოვენ სასწაულებს და ბერძნები სიბრძნეს ეძებენ,

23 ხოლო ჩვენ ვქადაგებთ ჭვარცმულ ქრისტეს: იუდეველთათვის საცდურს და

ბერძენთათვის – უგუნურებას,

24 ხოლო მოწოდებულთათვის – იუდეველებისთვისაც და ბერძენებისთვისაც – ვჟადაგებთ ქრისტეს – ღვთის ძალას და ღვთის სიბრძნეს.

25 რადგან უგუნურება ღვთისა ადამიანებზე უბრძენესია და უძლურება ღვთისა – ადამიანებზე უძლიერესი.

26 ნახეთ, ძმანო, ვინ ხართ მოწოდებულნი: ბევრი არ არის ხორციელად ბრძენი, ბევრი არ არის ძლიერი და ბევრი არ არის წარჩინებული.

27 არამედ სოფლის უმეცარნი ამოარჩია ღმერთმა, რათა შეარცხვინოს ბრძენნი, და სოფლის უძლურნი ამოარჩია ღმერთმა, რათა შეარცხვინოს ძლიერნი.

28 მდაბიონი ამოარჩია ღმერთმა და დამცირებულინი, და არარსებულინი, რათა გააუქმოს არსებულინი,

29 რომ არც ერთი ხორციელი არ იქადოდეს ღვთის წინაშე.

30 იმისგან ხართ თქვენ ქრისტე იესოში, რომელიც გახდა ჩვენთვის სიბრძნედ ღვთისმიერ, სიმართლედ, განწმედად და გამოსყიდვად.

31 რათა იყოს, როგორც სწერია: „ვინც იჟადის, უფლით დაიქადოს.“

### ჰავლე ახახებს ჯვახცმუე ქრისტეს

2 და მეც მოვედი თქვენთან, ძმებო, მოვედი ღვთის მოწმობის საუწყებლად, არა ამაღლებული სიტყვით ან სიბრძნით,

2 რადგან გადავწყვიტე არაფერი მცოდნოდა თქვენს შორის, გარდა იესო ქრისტესი, და ისიც ჭვარცმულისა.

3 და ვიყავი თქვენთან უძლურებაში, შიშში და დიდ ძრწოლაში.

4 და ჩემი სიტყვა და ჟადაგება ჩემი სიბრძნის დამარწმუნებელი სიტყვებით კი არ იყო, არამედ სულისა და ძალის გამოცხადებით.

5 რათა თქვენი რწმენა იყოს არა კაცთა სიბრძნით, არამედ ღვთის ძალით.

**ჟადაგებ ახაჯაცობიჳ  
სიბრძნეს შესწავლიც  
სიყვებით**

6 ოღონდ სიბრძნეს ვლაპარაკობთ სულიერად მოწიფულთა შორის, არა სოფლის სიბრძნეს, არც სოფლის მთავართა, წარმავალთა,

7 არამედ ვლაპარაკობთ ღვთის სიბრძნეს საიდუმლოებაში, დაფარულს, რომელიც წინასწარ განსაზღვრა ღმერთმა საუკუნეთა უწინარეს ჩვენი დიდებისთვის,

8 რაც ვერავინ შეიცნო სოფლის მთავართაგან. ვინაიდან, რომ შეეცნოთ, ჯვარს არ აცვამდნენ დიდების უფალს.

9 მაგრამ, როგორც სწერია: „რაც თვალს არ უნახავს, ყურს არ სმენია, კაცს გულში არ გაუვლია, ღმერთმა ის მოუმზადა თავის მოყვარულებს.“

10 ჩვენ კი გაგვიმხილა ღმერთმა თავისი სულით. ვინაიდან სული ჭვრეტს ყოველივეს, ღვთის სიღრმეებსაც.

11 ვინაიდან, რომელმა ადამიანმა იცის, რა არის ადამიანში, გარდა ადამიანის სულისა, რომელიც მასშია? ასევე ღვთისა არავინ არაფერი იცის, გარდა ღვთის სულისა.

12 ხოლო ჩვენ მივიღეთ არა სოფლის სული, არამედ სული ღვთისაგან, რათა ვიცოდეთ ღვთისაგან ჩვენთვის მონიჭებული.

13 და ამას ვლაპარაკობთ არა ადამიანთა სიბრძნით შესწავლილი სიტყვებით, არამედ სულიწმიდისაგან შესწავლილით. სულიერს სულიერით განვმარტავთ.

14 აი, მიწიერი ადამიანი არ ღებულობს იმას, რაც ღვთის სულისაგან არის, ვინაიდან უგუნურებად მიიჩნევს და არც ძალუძს შეცნობა, რადგან სულიერად არის განსასჯელი.

15 ხოლო სულიერი განსჯის ყოველივეს, თავად კი არავისგან არ განისჯება.

16 რადგან ვინ შეიცნო უფლის აზრი, რათა ასწავლოს მას? ჩვენ კი გვაქვს ქრისტეს აზრი.

მე დაჰხე.

აპოლოსმა მოხნა,

მაგხამ ღმერთმა გაზახდა

3 ხოლო მე, ძმანო, არ შემეძლო თქვენთან ლაპარაკი, როგორც სულიერებთან, არამედ როგორც ხორციელებთან, როგორც ჩვილებთან ქრისტეში.

2 რძეს გასმევდით თქვენ და არა საჭმელს, ვინაიდან მაშინ არ შეგეძლოთ და ახლაც არ ძალგიძთ,

3 იმიტომ, რომ ჭერ კიდევ ხორციელნი ხართ. ვინაიდან თუ შური და დავაა თქვენს შორის, განა ხორციელნი არა ხართ და ადამიანისებურად არ იქცევით?

4 რადგან, როცა ერთი ამბობს: მე პავლესი ვარო, ხოლო მეორე: მე აპოლოსისა ვარო, განა ხორციელნი არა ხართ?

5 აბა, ვინ არის პავლე? ვინ არის აპოლოსი? მხოლოდ მსახურნი, რომელთა მეშვეობითაც ირწმუნეთ, როგორც თითოეულს მისცა უფალმა.

6 მე დავრგე, აპოლოსმა მოარწყა, მაგრამ ღმერთმა გაზარდა.

7 ამიტომ არც დამრგველია არაფერი, არც მომარწყველი, არამედ გამზრდელი ღმერთი.

8 დამრგველი და მომარწყველი ერთი და იგივეა. ხოლო თითოეული მიიღებს თავის საზღაურს თავისი შრომისამებრ.

9 ვინაიდან ჩვენ ღვთის თანამშრომელნი ვართ, თქვენ კი – ღვთის ყანა და ღვთის შენობა.

ახავის შეუძლია სხვა

სადირკველის ჩაყხა

10 მე, ღვთის მიერ ჩემთვის ბოძებული მადლით, როგორც ბრძენმა ხუროთმოძღვარმა, საძირკველი დავუდე, ხოლო სხვა აშენებს მასზე. მაგრამ თითოეულმა უყუროს, როგორ აშენებს მასზე.

11 ვინაიდან არავის ძალუძს დაუდოს სხვა საძირკველი, გარდა იმისა, რაც დადებულია, რომელიც არის იესო ქრისტე.

12 და თუ ვინმე აშენებს ამ საძირკველზე – ოქროს, ვერცხლს, პატოსან ქვებს, ძელს, ნამჯას, –

13 თითოეულის საქმე გამოჟღავნდება. ვინაიდან ღლე გამოაჩინეს, რადგან ის ცეცხლით გამოცხადდება და თითოეულის საქმეს, როგორც არის, ცეცხლი გამოცდის.

14 ვისი დაშენებულიც გაძლებს, ის მიიღებს საზღაურს.

15 ვისი საქმეც დაიწვება, ის იზარალებს. თვითონ კი გადარჩება, მაგრამ როგორც ცეცხლიდან.

### თქვენ ხართ ღვთის კაძახი

16 ნუთუ არ იცით, რომ ღვთის ტაძარი ხართ და ღვთის სული ცოცხლობს თქვენში?

17 თუ ვინმე აზიანებს ღვთის ტაძარს, ღმერთი დააზიანებს მას, რადგან წმიდაა ღვთის ტაძარი და ეს თქვენა ხართ.

### ნუხავინ დაიკვებნის ადამიანით

18 ნუხავინ იცდუნებთ თავს. თუ ვინმეს ამ სოფელში თავისი თავი ბრძნად წარ-

მოუდგენია, გაუგუნურდეს, რათა ბრძენი გახდეს.

19 ვინაიდან ამ სოფლის სიბრძნე უგუნურებაა ღვთის წინაშე, როგორც სწერია: „მათ ცბიერებაში შეიბჟრობს ბრძენებს.“

20 და კიდევ: „იცის უფალმა ბრძენთა ზრახვანი, რომ ამაოა ისინი.“

21 ამიტომ ნუხავინ დაიკვებნის ადამიანებით, ვინაიდან ყოველივე თქვენია.

22 გინდ პავლე, გინდ აპოლოსი, გინდ კეფა, გინდ სოფელი, გინდ სიცოცხლე, გინდ სიკვდილი, გინდ აწმყო და გინდ მყოფადი – ყოველივე თქვენია.

23 თქვენ ხომ ქრისტესი ხართ, ქრისტე კი ღვთისაა.

### უფალია ჩემი მსაჯული

4 ადამიანმა ისე შეგვრაცხოს ჩვენ, როგორც ქრისტეს მსახურნი და ღვთის საიდუმლოთა მნეები.

2 და უფრო მეტიც, მნეთა შორის ეძებენ, რომ აღმოჩნდეს სარწმუნო ვინმე.

3 ხოლო ჩემთვის უმნიშვნელოა, თქვენ განმსჯით მე,

თუ ადამიანთა სამსჯავრო. მაგრამ მე ნამდვილად არ განვსჯი ჩემს თავს.

4 ვინაიდან არაფერი ვიცი ჩემს თავზე, მაგრამ ამით არ ვმართლდები. ჩემი განმსჯელი ხომ უფალია.

5 ამიტომ ნუ განსჯით უჟამოდ, ვიდრე მოვიდოდეს უფალი, რომელიც გაანათებს ბნელში დამალულს და გამოაჩენს გულის ზრახვებს და მაშინ ექნება თითოეულს ქება ღვთისაგან.

### უბუნეხები ქრისტეს ბელისათვის

6 და ეს, ძმანო, ნიმუშად დავუდე ჩემს თავს და აპოლოსს თქვენი გულისათვის, რათა ისწავლოთ ჩვენგან, რომ არ გადახვიდეთ დაწერილს და არ გაუყოყოჩდეთ ერთმანეთს.

7 რადგან, ვინ განგასხვავებს? რა გაქვს, რაც არ მიგიღია? ხოლო თუ მიიღე, რად იკვებხნი, თითქოს არ მიგეღოს?

8 დიახ, უკვე გაძებით, უკვე გამდიდრდით, ჩვენს გარე-

შე გამეფდით. და ნეტა მართლა მეფობდეთ, რომ ჩვენც ვმეფობდეთ თქვენთან ერთად.

9 რადგან ვფიქრობ, რომ ჩვენ, მოციქულებს, ღმერთმა უკანასკნელი ადგილი მოგვიჩინა, როგორც სიკვდილმისჯილებს. ვინაიდან სანახაობად გავხდით სოფლისათვის, ანგელოზებისთვისაც და ადამიანებისთვისაც.

10 ჩვენ უგუნურები ვართ ქრისტეს გულისათვის, თქვენ კი ბრძენები ხართ ქრისტეში. ჩვენ უძლურნი ვართ, თქვენ კი ძლიერნი. თქვენ დიდებულნი, ჩვენ კი უბატონნი.

11 ჩვენ ამ ჟამამდე მშივრები და მწყურვლები ვართ, შიშვლები და ნაგვემნი, და მოხეტიალენი.

12 ვშრომობთ, ჩვენი ხელებით ვმუშაობთ. გაგვლანძღვენ – ვლოცავთ, გვდევიან – ვითმენთ.

13 სახელს გვიტეხენ – ვეფერებით. და გავხდით განახვეტი სოფლისა, ყველაფრის ნაგავი აქამდე.

### ზავდე შეაგონებს

14 თქვენდა შესარცხვენად როდი ვწერ ამას, არამედ შეგაგონებთ, როგორც ჩემს საყვარელ შვილებს.

15 ვინაიდან თუნდაც ათი ათასი აღმზრდელი გყავდეთ ქრისტეში, მამები ბევრი არა გყავთ, რადგან მე ვზობეთ თქვენ ქრისტე იესოში სახარებით.

16 ამიტომ შეგაგონებთ თქვენ: მომბაძეთ მე.

17 ამისათვის გამოგვზავნე თქვენთან ტიმოთე, ჩემი საყვარელი და ერთგული შვილი უფალში, და ის გაგახსენებთ ჩემს გზებს ქრისტე იესოში, როგორ ვასწავლი ყოველ ადგილას, ყოველ ეკლესიაში.

18 ზოგიერთები გაამბარტავნდნენ, თითქოს არ მოვიდოდე თქვენთან,

19 მაგრამალე მოვალთქვენთან, თუ უფალი ინებებს, და გამოვცდი არა ქედმაღლურ სიტყვებს, არამედ ძალას.

20 რადგან ღვთის სასუფეველი არის არა სიტყვაში, არამედ ძალაში.

21 რა გასურთ? არგნით მოვიდე თქვენთან თუ სიყვარულით და თავმდაბლობის სულით?

### მეძავი უნდა იყოს მოცილებული

5 ხმა დადის საერთოდ, რომ მრუშობაა თქვენში, თანაც ისეთი მრუშობა, რომლის მსგავსი წარმართებშიც კი არ არის, რომ ვილაცას მამის ცოლი ჰყავს.

2 და თქვენ კიდევ ქედმაღლობთ იმის ნაცვლად, რომ გლოვობდეთ, რათა მოიკვეთოს თქვენგან ასეთი საქმის ჩამდენი.

3 თუმცა სხეულით არა ვარ თქვენთან, სულით ვიმყოფები. უკვე მსჯავრი დავდე მას, თითქოს თქვენთან ვყოფილიყავი, ვინც ასეთი საქმე ჩაიდინა.

4 ჩვენი უფლის იესო ქრისტეს სახელით, როცა შეიკრიბებით ჩემი სულის თანდასწრებით, ჩვენი უფლის იესო ქრისტეს ძალით,

5 ასეთი კაცი გადაეცეს სატანას ზორცის დასაღუბა-



ვად, რათა სული გადარჩეს ჩვენი უფლის იესოს დღეს.

6 არ შეგფერით კვებნა. ნუთუ არ იცით, რომ მცირეოდენი საფუარი მთელ ცომს აფუებს?

7 განწმიდეთ ძველი საფუარი, რათა იყოთ ახალი ცომი, რამდენადაც ხშიადები ხართ, ვინაიდან ჩვენი პასეჟი, ქრისტე, ჩვენს გამო შეეწირა.

8 ამიტომ ვიდღესასწაულოთ არა ძველი საფუარით, არა ბოროტებისა და უკეთურების საფუარით, არამედ სიწმიდისა და ჭეშმარიტების ხშიადით.

### გახეშებებს ღმერთი განიკითხავს

9 წერილში გწერდით, რომ არ იქონიოთ ურთიერთობა გარყვნილ ხალხთან.

10 არა მარტო ამ სოფლის გარყვნილებთან ან ხარბებთან, მტაცებლებთან ან კერპთაყვანისმცემლებთან, ვინაიდან მაშინ თქვენ უნდა განშორებოდით სოფელს.

11 არამედ გწერდით თქვენ, რომ არ იქონიოთ კავშირი

იმასთან, ვინც ძმად იწოდება, მაგრამ გარყვნილია, ან ხარბი, ან კერპთაყვანისმცემელი, ან მაგინებელი, ან ლოთი, ან მტაცებელი. ასეთთან არც კი ჭამოთ.

12 ვინაიდან მე რატომ განვიკითხო გარეშეები? განა თქვენ შინაურებს არ განიკითხავთ?

13 გარეშეებს ღმერთი განიკითხავს. მოიშორეთ ბოროტი თქვენგან.

### განიკითხვა უხმუნოსაგან მომხმუნისა

6 ნუთუ ბედავს რომელიმე თქვენგანი, თავისიანთან დავა რომ აქვს, სამართლის ძიებას უსამართლოებთან და არა წმიდებთან?

2 ნუთუ არ იცით, რომ წმიდები განიკითხვენ სოფელს? ხოლო თუ სოფელს განიკითხავთ, მცირე საქმეთა განიკითხვის ღირსნი არა ხართ?

3 ნუთუ არ იცით, რომ ანგელოზები უნდა განვიკითხოთ? მით უმეტეს, ცხოვრებისეული რაღა გახდა!

4 თქვენ კი, როცა ცხოვრებისეული საქმეები გაქვთ, თქვენს განმსჯელებად მათ აყენებთ, ვინც არაფრად არის მიჩნეული ეკლესიაში.

5 თქვენდა სამარცხვინოდ ვამბობ ამას: ნუთუ თქვენში არ მოიპოვება ერთი ბრძენი, რომ შეეძლოს განკითხვა თავის ძმებს შორის?

6 მაგრამ ძმა ძმას ედავება და თანაც ურწმუნოთა წინაშე.

7 და ისიც მეტად დამამცირებელია თქვენთვის, რომ ერთმანეთს ედავებით. რატომ არ არჩევთ ნაწყენად დარჩენას? რატომ არ არჩევთ დაზარალებულად დარჩენას?

8 მაგრამ თქვენ უსამართლოდ ექცევით და ართმევთ, თანაც თქვენს ძმებს.

9 ნუთუ არ იცით, რომ უსამართლონი ვერ დაიმკვიდრებენ ღვთის სასუფეველს? თავს ნუ მოიტყუებთ: ვერც მეძავნი, ვერც კერბთაყვანისმცემელნი, ვერც მრუშნი, ვერც დადედლებულნი, ვერც მამათმავალნი,

10 ვერც მპარავნი, ვერც ხარბნი, ვერც ლოთები, ვერც მლანძღველნი, ვერც მტაცებელნი ვერ დაიმკვიდრებენ ღვთის სასუფეველს.

11 ასეთი იყო ზოგიერთი თქვენგანი. მაგრამ განიბანეთ, მაგრამ წმიდა გახდით, მაგრამ გამართლდით ჩვენი უფლის იესო ქრისტეს სახელით და ჩვენი ღვთის სულით.

**ფასით ხართ ნაყიდი.**

**აღიღეთ ღმერთი**

12 ყოველივე ნებადართულია ჩემთვის, მაგრამ ყველაფერი სასარგებლო როდია. ყოველივე ნებადართულია ჩემთვის, მაგრამ მე არაფერს დავემონები.

13 საჭმელი მუცლისათვის, ხოლო მუცელი საჭმლისათვის. მაგრამ ღმერთი მოსპობს ერთსაც და მეორესაც. სხეული კი არის არა მრუშობისათვის, არამედ უფლისათვის, ხოლო უფალი – სხეულისათვის.

14 ღმერთმა აღადგინა უფალი და ჩვენც აღვადგენს თავისი ძალით.

15 ნუთუ არ იცით, რომ თქვენი სხეულები ქრისტეს ასოებია? განა ავიღებ ქრისტეს ასოებს და მეძავის ასოებად ვაქცევ? არამც და არამც!

16 ანდა, ნუთუ არ იცით, რომ ვინც მეძავს უერთდება, ერთი სხეული ხდება მასთან ერთად? რადგან ნათქვამია: „ორი ერთ ხორცად იქნება.“

17 ხოლო ვინც უფალს უერთდება, ერთ სულად იქნება უფალთან.

18 გაურბოდეთ სიძვას. ყოველი ცოდვა, რომელსაც ადამიანი სჩადის, სხეულის გარეშეა, ხოლო მეძავი საკუთარი სხეულის წინააღმდეგ სცოდავს.

19 ანდა, ნუთუ არ იცით, რომ თქვენი სხეულები ტაძარია თქვენში სულიწმიდისა, რომელიც ღვთისაგან გაქვთ, და რომ თქვენს თავს არ ეკუთვნით?

20 ვინაიდან ფასით ხართ ნაყიდნი. ამიტომ აღიდეთ ღმერთი თქვენი სხეულით და თქვენი სულებით, რომლებიც ღვთისაა.

### ქოხნილებაზე

7 ხოლო იმის შესახებ, რაც თქვენ მომწერეთ: კაცისათვის კარგია, არ გაეკაროს დედაკაცს.

2 მაგრამ სიძვის თავიდან ასაცილებლად ყოველ მამაკაცს ჰყავდეს თავისი ცოლი და ყოველ დედაკაცს – თავისი ქმარი.

3 ქმარმა ჯეროვანი პატივი უნდა სცეს ცოლს, აგრეთვე ცოლმაც ქმარს.

4 ცოლი არ ხელმწიფებს თავის სხეულზე, არამედ ქმარი. ასევე ქმარიც არ ხელმწიფებს თავის სხეულზე, არამედ ცოლი.

5 ნუ განშორდებით ერთმანეთს, გარდა შეთანხმებისა, დროებით, რომ მოიცალოთ მარხვისა და ლოცვისათვის, და კვლავ ერთად იყოთ, რათა არ გამოგცადოთ სატანამ თქვენი თავშეუკავებლობით.

6 ხოლო ამას ვამბობ დასაშვებად და არა ბრძანებით.

7 ვინაიდან მსურს, ყველა ადამიანი იყოს, როგორც მე ვარ. მაგრამ ყველას თავისი

ნიჭი აქვს ღვთისაგან, ზოგს ასეთი და ზოგს ისეთი.

**დაუქოხნილებანი და  
დაქოხნილებანი დახრენ,  
ხოგოხყ ახიან**

8 ხოლო დაუქორწინებლებს და ქვრივებს ვეუბნები, რომ მათთვის კარგია ჩემსავით დარჩნენ.

9 თუ თავს ვერ იკავებენ, იქორწინონ, ვინაიდან უმჯობესია დაქორწინდნენ, ვიდრე აღიგზნებოდნენ.

10 ხოლო დაქორწინებულებს ვამცნებ არა მე, არამედ უფალი: ცოლი არ გაეყაროს ქმარს.

11 ხოლო თუ გაეყრება, უქორწინოდ დარჩეს ანდა ქმარს შეურთიდეს. და ქმარინუ დატოვებს თავის ცოლს.

12 სხვებს კი ვეუბნები მე და არა უფალი: თუ ვინმე ძმას ჰყავს ურწმუნო ცოლი და ის ქალი თანახმაა მასთან იცხოვროს, ნუ დატოვებს იმ ცოლს.

13 დედაკაცი, რომელსაც ურწმუნო ქმარი ჰყავს და კაცს სურს მასთან ცხოვრება, ნუ დატოვებს ქმარს.

14 ვინაიდან ურწმუნო ქმარი განიწმიდება ცოლით და ურწმუნო ცოლი განიწმიდება ქმრით. თორემ თქვენი შვილები არაწმიდები იქნებოდნენ, ახლა კი წმიდები არიან.

15 მაგრამ თუ ურწმუნოს სურს გაყრა, გაეყაროს. ასეთ ვითარებაში ძმა ან და დამონებულნი არ არიან, რადგან მშვიდობისაკენ მოგვიწოდა ღმერთმა.

16 ვინაიდან, რა იცი შენ, ცოლო, იქნებ იხსნა ქმარი? ანდა რა იცი შენ, ქმარო, იქნებ იხსნა ცოლი?

**თითოეული მოიქცეს ისე,  
ხოგოხყ ღმერთმა  
უნიღხვედა**

17 თითოეული ისე მოიქცეს, როგორც ღმერთმა უწილხვედრა და თვითოეული – როგორც უფალმა მოუწოდა. და ასე ვუწესებ მე ყოველ ეკლესიას.

18 თუ რომელიმე მოწოდებული წინადაცვეთილია, ნუ დამალავს. თუ რომელიმე მოწოდებული წინადაუცვეთელია, ნუ წინადაიცივთს.

19 არაფერია წინადაცვეთა და არაფერია წინადაუცვეთლობა, არამედ ღვთის მცნებათა დაცვა.

20 დაე, თითოეული დარჩეს იმ მოწოდებაში, რომლითაც მოუწოდეს.

21 თუ მოწოდებული ხარ, როგორც მონა, ნუ ითაკილებ. მაგრამ თუ ძაღვისგანაა, უფლებია, ისარგებლო.

22 ვინაიდან უფალში მოწოდებული მონა უფლის თავისუფალია. მსგავსადვე მოწოდებული თავისუფალი ქრისტეს მონაა.

23 ფასით ხარტ ნაყიდნი, ნუ გახდებით ადამიანთა მონები.

24 ძმანო, თითოეული იმ მოწოდებით დარჩეს ღვთის წინაშე, რომელშიც მოწოდებული იყო.

### ქაღულების და ქვივების ქმნიებაზე

25 უქორწინებელთა შესახებ არა მაქვს ბრძანება უფლისაგან. მხოლოდ ჩემს რჩევას გაუწყებთ, რადგან შემიწყალა უფალმა, რომ მისი სარწმუნო ვიყო.

26 მე ვფიქრობ, რომ ახლანდელ გასაჭირში ადამიანისათვის უმჯობესია დარჩეს, როგორც არის.

27 თუ შეერთებული ხარ ცოლთან, გაყრას ნუ ეძებ. ხოლო თუ უცოლო ხარ, ცოლს ნუ ეძებ.

28 ცოლიც რომ შეირთო, არ შესცოდავ. და, თუ ქალწული გათხოვდება, არ შესცოდავს. მაგრამ ასეთებს ხორციელი გასაჭირი ექნებათ და არ მეთმობით.

29 ხოლო ამას გეტყვით ძმანო: უამი იწურება, ამიტომ ამიერიდან ცოლიანები იყავით, როგორც უცოლონი;

30 მოტირალნი, როგორც არა მოტირალნი; მოხარულნი, როგორც არა მოხარულნი; მქონენი, როგორც არა მქონენი;

31 სოფლით მოსარგებლენი, როგორც არა მოსარგებლენი. ვინაიდან წარმავალია სოფლის სახე.

32 მე მსურს, რომ უზრუნველად იყოთ. უცოლო უფლისაზე ზრუნავს, როგორ ამოს უფალს;

33 ხოლო ცოლიანი სოფლის საქმეებზე ზრუნავს, როგორ აამოს ცოლს.

34 არის განსხვავება ქმრიანსა და ქალწულს შორის: ქალი, უქმრო და ქალწული, ზრუნავს უფლისაზე, რათა სხეულითაც წმიდა იყოს და სულითაც. ქმრიანი კი სოფლის საქმეებზე ზრუნავს, როგორ აამოს ქმარს.

35 ამას გეუბნებით თქვენდა სასარგებლოდ, არა იმისათვის, რომ მარყუჟი მოგდოთ, არამედ რათა ღირსეულად და წრფელად ემსახუროთ უფალს, შფოთის გარეშე.

36 თუ ვინმეს შეუფერებლად მიაჩნია, რომ მისი დანიშნული ქალწული სიყმაწვილის ასაკს გადასცდა, როგორც ენებოს, ისე მოიქცეს, არ შესცოდავს. დაე, დაქორწინდნენ.

37 ხოლო ვინც თავისი გულით მტკიცედ დგას და იძულებული არ არის, არამედ აქვს ხელმწიფება თავის ნებაზე და გადაწყვიტა თავის გულში თავისი ქალწულის დაცვა, კარგად იქცევა.

38 ამიტომ, ვინც გაათხოვებს თავის ქალწულს, კარგად იქცევა, და ვინც არ გაათხოვებს, უკეთესად იქცევა.

39 ცოლი რჯულით შეკრულია, სანამ ცოცხალია მისი ქმარი. ხოლო თუ ქმარი მოუკვდება, თავისუფალია გაჭყვევს, ვისაც სურს, ოღონდ უფალში.

40 მაგრამ უფრო ნეტარია, თუ ასე დარჩება, ჩემი რჩევით. ვფიქრობ, რომ მეც მაქვს ღვთის სული.

### ნაუკუპავის ქამაზე

**8** ახლა ნაკერბავებზე. ვიცით, რადგან ყველას გვაქვს ცოდნა. მაგრამ ცოდნა აამბარტავნებს, სიყვარული კი აშენებს.

2 ვინც ფიქრობს, რომ რაიმე იცის, მან ჭერაც არაფერი იცის ისე, როგორც უნდა იცოდეს.

3 მაგრამ ვისაც ღმერთი უყვარს, იგი შეცნობილია მისგან.

4 ამგვარად, ნაკერბავების საქმელად გამოყენების შესახებ ვიცით, რომ კერპი არა-

ფერია სოფელში და არ არსებობს ღმერთი, გარდა ერთისა.

5 და თუ კიდევ არიან ეგრეთწოდებული ღმერთები ან ცაში, ან მიწაზე (რადგან არის მრავალი ღმერთი და მრავალი უფალი),

6 ჩვენ კი ერთი მამა ღმერთი გვყავს, რომლისგანაც არის ყოველი და ჩვენ მისთვის ვართ, და ერთი უფალი იესო ქრისტე, რომლის მიერ არის ყოველი და ჩვენც მის მიერ.

### თავისუფლება დაბიჯლება ახ გახდეს უძლეოთვის

7 თუმცა ყველას როდი აქვს ცოდნა. ზოგიერთები ჩვეულებით აქამდე ჭამენ კერბთაგან, როგორც ნაკერბავს და, ამრიგად, მათი დაუძლეურებული სინდისი იბღალეობა.

8 საჭმელი არ მიგაახლოვებთ ღმერთთან, ვინაიდან, თუ ვჭამთ, ვერაფერს ვიმატებთ, და თუ არ ვჭამთ, არაფერი გვაკლდება.

9 მაგრამ გაფრთხილდით, რომ ეს თქვენი თავისუფლე-

ბა დაბრკოლება არ გახდეს უძლეურთათვის.

10 ვინაიდან, თუ ვინმე დაგინახავს შენ, რომელსაც ცოდნა გაქვს, საკერპეში მჭდომარეს, განა მისი უძლეური სინდისი არ განაწყობს მას ნაკერპავთა ჭამისთვის?

11 და დაიღუპება შენი ცოდნის მეოხებით შენი უძლეური ძმა, რომლისთვისაც მოკვდა ქრისტე.

12 ამრიგად, შესცოდავთ რა ძმების მიმართ და დაჭრით მათ უძლეურ სინდისს, ქრისტეს მიმართ შესცოდავთ.

13 ამიტომ თუ საჭმელი აცდუნებს ჩემს ძმას, საუკუნოდ არ ვჭამ ხორცს, რათა არ დავაბრკოლო ჩემი ძმა.

### ღვთისმსახურთა სახეოდ

9 განა მე მოციქული არა ვარ? განა მე თავისუფალი არა ვარ? განა მე არ ვნახე ჩვენი უფალი იესო ქრისტე? განა თქვენ ჩემი ნაღვაწი არა ხართ უფალში?

2 თუ სხვებისათვის არა ვარ მოციქული, თქვენთვის

ხომ მაინც ვარ, ვინაიდან ჩემი მოციქულობის ბეჭედი ხართ უფალში.

3 აი, რა პასუხს გავცემ ჩემს მკიცხველებს:

4 განა არა გვაქვს ჭამა-სმის უფლება?

5 განა არა გვაქვს უფლება, დავიმგზავროთ მორწმუნე ცოლი, როგორც დანარჩენმა მოციქულებმა, უფლის ძმებმა და კეფამ?

6 თუ მარტო მე და ბარნაბას არა გვაქვს უფლება, რომ არ ვმუშაობდეთ?

7 რომელ ჯარისკაცს უმსახურია ოდესმე საკუთარ ხარჯზე? ვინ რგავს ვაზს და მისი ნაყოფისაგან არა ჭამს? ვინ მწყესავს ფარას და ფარის რძეს პირს არ აკარებს?

8 განა ადამიანურად არ ვლაპარაკობ ასე? განა რჯულიც ამასვე არ ამბობს?

9 რადგან მოსეს რჯულში სწერია: „პირს ნუ აუკრავ ხარს ლეწვისას.“ ხარებზე ზრუნავს ღმერთი?

10 თუ ნამდვილად ჩვენთვის ამბობს? დიალაც ჩვენთვის სწერია. მხვნელმა უნ-

და ხნას იმედით, მღეწავმა კი – წილის იმედით.

11 თუ სულიერი დაგითესეთ, განა დიდი ამბავია, რომ თქვენგან ხორციელი მოვიმკათ?

12 თუ სხვებს ხელმწიფება აქვთ თქვენზე, განა ჩვენ უფრო მეტად არა? მაგრამ ჩვენ არ გამოვიყენეთ ეს ხელმწიფება, არამედ ყოველგვარ ტანჯვას ვიტანთ, რათა რაიმე დაბრკოლება არ შეექმნას ქრისტეს სახარებას.

13 ნუთუ არ იცით, რომ წმიდათა მსახურნი ტაძრისაგან ჭამენ? ხოლო სამსხვერპლოს მსახურნი მსხვერპლიდან იღებენ წილს?

14 ასევე უფალმა დაუწესა სახარების მქადაგებლებს სახარებისაგან ცხოვრება.

15 ხოლო მე არც ერთი მათგანი არ გამომიყენებია. და ესეც იმიტომ კი არ დავწერე, რომ ასე ყოფილიყო ჩემთვის. ვინაიდან სიკვდილი მიჯობს, ვიდრე ვინმემ გააბათილოს ჩემი ქაღილი.

16 რადგან თუ ვახარებ, არაფერი მაქვს სასიქადულო, ვინაიდან ეს ჩემი აუცილებე-



ლი მოვალეობაა, და ვაი მე, თუ არ ვახარებ.

17 ვინაიდან თუ სურვილით ვაკეთებ ამას, საზღაური მქონია, ხოლო თუ სურვილის გარეშე, მხოლოდ მნებობა მქონია მონდობილი.

18 მაშ, რა არის ჩემი საზღაური? ის, რომ როცა სახარებას ვქადაგებ, შემიძლია ვიქადაგო უსასყიდლოდ და არ ვიყენებ ჩემს უფლებას ხარებაში.

### ყველასთვის გავხდი ყველაფეხი, ხომ მესხნა ზოგიერთები

19 ვინაიდან, ყველასგან თავისუფალი ყველას დავემონე, რათა უფრო მეტი შემეძინა.

20 იუდეველთათვის გავხდი, როგორც იუდეველი, რათა იუდეველები შემეძინა. რჭულის ქვეშ მყოფთათვის – როგორც რჭულის ქვეშ მყოფი, თუმცა თვითონ რჭულის ქვეშ უმყოფელი, რათა რჭულის ქვეშ მყოფნი შემეძინა.

21 ურჭულოთათვის – როგორც ურჭულო, თუმცა არა ვარ ღმერთის ურჭულო, არა-

მედ ქრისტეს რჭულიერი, რათა ურჭულოები შემეძინა.

22 უძლურთათვის გავხდი უძლურივით, რათა უძლურნი შემეძინა. ყველასთვის ყველაფერი გავხდი, რათა ზოგიერთები მესხნა როგორმე.

23 და ყოველივე ამას ვაკეთებ სახარებისათვის, რათა მეც გავხდე მისი თანამონაწილე.

### სხუელის დათხენვაზე

24 განა არ იცით, რომ ასპარეზზე მორბენალნი ყველანი გარბიან, მაგრამ მხოლოდ ერთი მიიღებს ჭილდოს? მაშ, ირბინეთ ისე, რომ მოიპოვოთ.

25 ყველა, ვინც იღწვის, თავს იკავებს ყველაფრისგან. ისინი – ხრწნადი გვირგვინის მისაღებად, ჩვენ კი – უხრწნადისა.

26 ამიტომ მე გავრბივარ არა უმიზნოდ, ვიბრძვი არა ისე, ვითომც ჰაერს ვგვემდე.

27 არამედ ვთრგუნავ და ვიმონებ ჩემს სხეულს, რათა სხვებს რომ ვუქადაგებ, მე თვითონ უღირსი არ დავრჩე.

გონათ, რომ იღვწენ,  
მაგრამ დაეცნენ

10 არ მინდა, ძმებო, არ იცოდეთ, რომ ჩვენი მამები ყველანი ღრუბელქვეშ იყვნენ და ყველამ გაიარა ზღვაში.

2 და ყველანი მოინათლნენ მოსეს მიერ ღრუბელში და ზღვაში.

3 და ყველანი ჭამდნენ ერთსა და იმავე სულიერ საჭმელს,

4 და ყველანი სვამდნენ ერთსა და იმავე სულიერ სასმელს, ვინაიდან სვამდნენ სულიერი კლდიდან, რომელიც თან დაჰყვებოდა მათ. ხოლო ეს კლდე იყო ქრისტე.

5 მაგრამ მათგან უმრავლესობა როდი მოიწონა ღმერთმა: ვინაიდან ისინი უდაბნოში დაეცნენ.

6 ეს კი ჩვენთვის მაგალითი იყო, რათა არ შევნატროდეთ ბოროტს, როგორც შენატროდნენ ისინი.

7 არც კერბთაყვანისმცემლები იყოთ, როგორც ზოგიერთი მათგანი, როგორც სწერია: „დასხდა ხალხი საჭმელ-

სასმელად, და წამოდგნენ სათამაშოდ.“

8 ნურც ვიმეძავეთ, როგორც ზოგიერთი მათგანი მეძაობდა, და ერთ ღღეს ოცდასამი ათასი კაცი დაეცა.

9 ნურც გამოვცდით უფალს, როგორც ზოგიერთმა მათგანმა გამოსცადა და ისინი გველებისაგან დაიღუპნენ.

10 არც იდრტვინოთ, როგორც ზოგიერთი მათგანი დრტვინავდა და დაიღუპნენ შემმუსვრელისაგან.

11 ყოველივე ეს მათ დაემართათ სამაგალითოდ და აღწერილია ჩვენს დასარიგებლად, რომლებმაც მივალწიეთ სოფლის აღსასრულს.

12 ამიტომ, ვინც ფიქრობს, რომ დგას, იფრთხილოს, რომ არ წაიქცეს.

13 არ შეგმთხვევიათ განსაცდელი, გარდა ადამიანურისა; და სარწმუნო ღმერთი, რომელიც არ დაუშვებს, რომ თქვენს შესაძლებლობაზე მეტად გამოიცადოთ, არამედ განსაცდელში გამოსავალსაც მოგცემთ, რომ შესძლოთ ატანა.

### განეხილეთ ეხჰთაყვანის- მცემლობას

14 ამიტომ, ჩემო საყვარელნო, განერიდეთ კერბთაყვანისმცემლობას.

15 როგორც გონიერებს გელაპარაკებით; თავად განსაჯეთ, რასაც ვამბობ.

16 კურთხევის სასმისი, რომელსაც ჩვენ ვაკურთხებთ, განა ქრისტეს სისხლის თანაზიარება არ არის? პური, რომელსაც ჩვენ ვტეხთ, განა ქრისტეს სხეულის თანაზიარება არ არის?

17 ვინაიდან პური ერთია, ჩვენ კი მრავალნი – ერთი სხეული, რადგან ყველა ერთი პურიდან ვეზიარებით.

18 შეხედეთ ისრაელს ხორცის მიხედვით: ვინც მსხვერპლიდან ჭამს, განა ისინი სამსხვერპლოს ზიარნი არ არიან?

19 მაშ, რას ვამბობ? განა იმას, რომ რაიმეა კერბი, ან იმას, რომ რაიმეს ნიშნავს ნაკერბავი?

20 არამედ, რასაც ისინი სწირავენ, ეშმაკს სწირავენ

და არა ღმერთს. მე კი არ მინდა, რომ ეშმაკთა ზიარნი იყოთ.

21 არ შეგიძლიათ სვით უფლის სასმისი და ეშმაკის სასმისი. არ შეგიძლიათ უფლის სუფრასაც ეზიაროთ და ეშმაკის სუფრასაც.

22 ნუთუ ვბედავთ უფლის განრისხებას? განა მასზე ძლიერები ვართ?

23 ყოველივე ნებადართულია ჩემთვის, მაგრამ ყველაფერი სასარგებლო როდია. ყოველივე ნებადართულია ჩემთვის, მაგრამ ყველაფერი როდი აშენებს.

### ახ ეძებოს თავის სახეებელი

24 არავინ ეძებოს თავისი სარგებელი, არამედ სხვისი.

25 ყველაფერი, რაც ბაზარში იყიდება, ჭამეთ და ნურაფერს გამოიძიებთ სინდისის გამო.

26 რადგან უფლისაა მიწა და მისი სისავსე.

27 ხოლო თუ მიგიწვევთ რომელიმე ურწმუნოთაგანი და მოისურვებთ მასთან წას-

ვლას, ყველაფერი ჭამეთ, რასაც თქვენს წინ დააწყობენ და ნურაფერს გამოიძიებთ სინდისის გამო.

28 ხოლო თუ ვინმე გეტყვით: ეს ნაკერპავიაო, ნუ შეჭამთ მთქმელის გამო და სინდისის გამო, რადგან უფლისაა მიწა და მისი სისავსე.

29 სინდისს ვამბობ არა შენსას, არამედ სხვისას. ვინაიდან რატომ იქნას განკითხული ჩემი თავისუფლება სხვისი სინდისით?

30 ხოლო თუ მაღლიერებით ვჭამ, რაღად შევიბღალო იმის გამო, რისთვისაც მაღლიერი ვარ?

31 ამიტომ ჭამთ, სვამთ, თუ სხვა რამეს აკეთებთ, ყველაფერი აკეთეთ ღვთის სადიდებლად.

32 ნუ შეურაცხყოფთ ნურც იუდეველებს, ნურც წარმართებს და ნურც ღვთის ეკლესიას.

33 ისევე, როგორც მეც ვამებ ყველას ყველაფერში და სარგებლობას ვეძებ არა ჩემთვის, არამედ მრავალთათვის, რათა გადარჩნენ.

## თავდახუჯა ღოცვის ან წინასწარმეტყველების ემს

11 ჩემი მომბაძავი იყავით, როგორც მე – ქრისტესი.

2 ამისათვის გაქებთ თქვენ, ძმანო, რომ ყველაფერში გახსოვართ და ინახავთ მოძღვრებებს, როგორც გადმოგეცით.

3 მაგრამ ასევე მინდა იცოდეთ, რომ ყოველი მამაკაცის თავი ქრისტეა, ცოლის თავი – ქმარი და ქრისტეს თავი – ღმერთი.

4 ყოველი მამაკაცი, რომელიც თავდაფარული ღოცულობს ან წინასწარმეტყველებს, თავის თავს ირცხვენს.

5 და ყოველი დედაკაცი, რომელიც თავდაუფარავი ღოცულობს ან წინასწარმეტყველებს, თავს ირცხვენს, ვინაიდან ეს იგივეა, რომ გადაპარსული იყოს.

6 ვინაიდან, თუ დედაკაცი თავს არ დაიფარავს, გადაიპარსოს. ხოლო თუ დედაკაცს რცხვენია, იყოს გაკრეჭილი ან გადაპარსული, თავდაფარული იყოს.

7 ამგვარად, მამაკაცმა მართლაც არ უნდა დაიფაროს თავი, ვინაიდან ის ღვთის ხატება და დიდებაა. ცოლი კი ქმრის დიდებაა.

8 ვინაიდან მამაკაცი კი არ არის დედაკაცისაგან, არამედ დედაკაცი – მამაკაცისაგან.

9 ასევე მამაკაცი კი არ შექმნილა დედაკაცის გულისათვის, არამედ დედაკაცი – მამაკაცის გულისათვის.

10 ამიტომ დედაკაცი ვალდებულია, თავზე ჰქონდეს ხელმწიფების ნიშანი ანგელოზების გულისათვის.

11 თუმცა არც ქმარია ცოლის გარეშე და არც ცოლია ქმრის გარეშე უფალში.

12 ვინაიდან, ისევე, როგორც დედაკაცი მამაკაცისაგან არის, მამაკაციც დედაკაცის მეოხებით არის. ხოლო ყოველივე ღვთისაგან არის.

13 თქვენ თვითონ განსაჯეთ, შეშვენის დედაკაცს ღვთის წინაშე თავდაუფარავად ლოცვა?

14 ანდა, განა თვით ბუნებაც არ გასწავლით, რომ მა-

მაკაცის გრძელთმიანობა სამარცხვინოა მისთვის?

15 მაგრამ დედაკაცის გრძელთმიანობა დიდებაა მისთვის. გრძელი თმა მას საბურველის ნაცვლად აქვს მიცემული.

16 და თუ ვინმე განიზრახავს იდაოს, ჩვენ არა გვაქვს ასეთი ჩვეულება, არც ღვთის ეკლესიებს.

### უფლის სუხოზის ნესხიგისათვის

17 ხოლო ამას რომ გამცნებთ, არ გაქებთ, რომ იკრიბებით არა უმჯობესისათვის, არამედ უარესისათვის.

18 ვინაიდან, ჯერ ერთი, გაგებული მაქვს, რომ როცა ეკლესიად იკრიბებით, დაყოფა არსებობს თქვენს შორის, რასაც ნაწილობრივ ვუჭერებ.

19 ვინაიდან აზრთა სხვაობაც უნდა იყოს თქვენში, რათა გამოჩნდნენ გამოცდილნი თქვენს შორის.

20 როცა იკრიბებით ერთად, უფლის სერს არა ჭამთ.

21 ვინაიდან ყველა წინასწარ ჭამს თავის საკუთარ

სერს და ზოგი მშიერია და ზოგი მთვრალი.

22 ნუთუ სახლები არა გაქვთ, რომ იქ ჭამოთ და სვათ? თუ უგულვებელყოფთ ღვთის ეკლესიას და არცხვენთ უქონელთ? რა გითხრათ? შეგაქოთ? ამისათვის არ გაქვთ.

23 ვინაიდან მე მივიღე უფლისაგან, რაც თქვენც გადმოგეცით, რომ უფალმა იესომ იმ ღამეს, რომელსაც გაიცემოდა, აიღო პური,

24 მადლი შესწირა, გატეხა და თქვა: „მიიღეთ, ჭამეთ, ეს არის ჩემი სხეული, თქვენთვის დამტვრეული. ეს აკეთეთ ჩემს მოსაგონრად.“

25 ასევე ასწია სასმისიც სერობის შემდეგ და თქვა: „ეს სასმისი ახალი აღთქმაა ჩემს სისხლში. ეს აკეთეთ ჩემს მოსაგონრად, რამდენჯერაც სვამდეთ.“

26 რადგან, ყოველთვის, როცა ამ პურს ჭამთ და ამ სასმისს სვამთ, აუწყეთ უფლის სიკვდილი, ვიდრე მოვიდოდეს.

27 ამიტომ, ვინც შეჭამს ამ პურს ან დალევს უფლის სას-

მისს უღირსად, დამნაშავე იქნება უფლის სხეულისა და სისხლის წინაშე.

28 ადამიანმა ჯერ თავი გამოსცადოს და ასე ჭამოს ამ პურიდან და შესვას ამ სასმისიდან.

29 ვინაიდან, ვინც უღირსად ჭამს და სვამს, თავისი თავის დაგმობას ჭამს და სვამს, ვერ არჩევს რა უფლის სხეულს.

30 ამის გამო თქვენს შორის ბევრია უძლური და ავადმყოფი, და ბევრიც მოკვდა.

31 ხოლო ჩვენ თვითონვე რომ განგვეკითხა ჩვენი თავი, აღარ ვიქნებოდით მსჯავრდადებულნი.

32 ხოლო მსჯავრდადებულნი ვიწვრთნებით უფლის მიერ, რათა სოფელთან ერთად არ ვიყოთ მსჯავრდადებულნი.

33 ამიტომ, ჩემო ძმანო, როცა ერთად შეიკრიბებით საჭმელად, ერთიმეორეს დაელოდეთ.

34 და თუ ვინმეს უიოდეს, თავის სახლში ჭამოს, რათა მსჯავრის დასადებად არ შე-

იკრიბოთ. დანარჩენს, როცა მოვალ, მაშინ მოვაგვარებ.

**ნიჭი სხვადასხვანაირია,  
სული ჯი უხოთა**

**12** ახლა სულიერ ნიჭზე. არ მინდა, ძმანო, უცოდინარნი იყოთ.

2 იცით, რომ როდესაც წარმართები იყავით, უტყვეკრებებთან დადიოდით, თითქოს ვიღაც გეწეოდათ.

3 ამიტომ გაუწყებთ, რომ ვერავინ, ვინც ღვთის სულით ლაპარაკობს, ვერ იტყვის: შეჩვენებულაო იესო. და არავის შეუძლია უფალი უწოდოს იესოს, თუ არა სულიწმიდით.

4 სხვადასხვანაირია ნიჭი, მაგრამ სული ერთია.

5 მსახურებანიც სხვადასხვანაირია, უფალი კი ერთია.

6 მოქმედებანიც სხვადასხვანაირია, ხოლო ღმერთი ერთია, რომელიც ამოქმედებს ყველას ყველაში.

7 მაგრამ თითოეულს ეძლევა სულის გამოვლინება სასიკეთოდ.

8 ვინაიდან ერთს სულის

მიერ ეძლევა სიბრძნის სიტყვა, მეორეს – ცოდნის სიტყვა იმავე სულით.

9 ზოგს რწმენა – იმავე სულით და ზოგს – განკურნებათა ნიჭი იმავე სულით.

10 ზოგს – სასწაულთმოქმედება, ზოგს – წინასწარმეტყველება, ზოგს – სულების გარჩევა, ზოგს – სხვადასხვა ენები, ზოგს – ენების განმარტება.

11 ხოლო ყოველივე ამას აკეთებს ერთი და იგივე სული, რომელიც თითოეულს საკუთრივ უნაწილებს, როგორც ნებავს.

**სხეული ქისტესია**

12 რადგან, როგორც სხეული ერთია, მაგრამ მრავალი ასო აქვს, და სხეულის ყველა ასო, თუმცა ბევრნი არიან, ერთი სხეულია, ასევეა ქრისტეც.

13 ვინაიდან ყველანი ერთი სულით მოვინათლეთ ერთ სხეულად – იუდეველები თუ ელინები, მონები თუ თავისუფლები, და ყველას ერთი სული გვისვამს.

14 ვინაიდან სხეულიც ერთი ასო კი არ არის, არამედ ბევრი.

15 ფეხმა რომ თქვას: მე ხელი არა ვარ, ამიტომ სხეულს არ ვეკუთვნის, განა ამიტომ არ ეკუთვნის სხეულს?

16 ანდა ყურმა რომ თქვას: მე თვალი არა ვარ, ამიტომ სხეულს არ ვეკუთვნის, განა ამიტომ არ ეკუთვნის სხეულს?

17 თუ მთელი სხეული თვალია, სადღაა სმენა? თუ ყველაფერი სმენაა, სადღაა ყნოსვა?

18 და აჰა, ღმერთმა განაღვა ასოები სხეულში – თითოეული მათგანი, როგორც ნებავდა.

19 და ყველა რომ ერთი ასო იყოს, სადღა იქნება სხეული?

20 აჰა, ასოები ბევრია, სხეული კი ერთი.

21 თვალი ვერ ეტყვის ხელს: არ მჭირდებიო. ვერც თავი ფეხს: არ მჭირდებითო.

22 არამედ, სხეულის ის ასოები, რომლებიც ყველაზე უძლურნი ჩანან, უფრო მეტად საჭირონი არიან.

23 ხოლო რომლებიც ნაკლებ საპატიოდ გვეჩვენება სხეულში, მათ უფრო უხვად გარემოვაცავთ პატივით. და ჩვენს უსახურთ უფრო უხვად აქვთ სახიერება.

24 ჩვენს სახიერებს არ სჭირდებათ პატივი. მაგრამ ღმერთმა ისე შეაზავა სხეული, რომ უფრო უხვი პატივი არგუნა იმას, რომელსაც ნაკლებად აქვს.

25 რათა არ იყოს განხეთქილება სხეულში, არამედ ყველა ასო ერთნაირად ზრუნავდეს სხვაზე.

26 და თუ ერთი ასო იტანჯება, მასთან ერთად ყველა ასო იტანჯება, ხოლო თუ ერთი ასო დიდებას მოიხვეჭს, მასთან ერთად ყველა ასო ხარობს.

27 თქვენ კი ქრისტეს სხეული ხართ, ხოლო ცალ-ცალკე – მისი ასოები.

28 დააყენა ღმერთმა ეკლესიაში პირველად მოციქულები, მეორედ მქადაგებელნი, მესამედ მოძღვარნი, მერე კურნებათა ნიჭები, შეწევნანი, მართვანი, სხვადასხვა ენები.



29 ყველა მოციქულია? ყველა მქადაგებელია? ყველა მოძღვარია? ყველას სასწაულთმოქმედება აქვს?

30 ყველას აქვს განკურნებათა ნიჭი? ყველანი ლაპარაკობენ ენებით? ყველანი განმარტავენ?

31 ეშურეთ დიდ ნიჭებს და გაჩვენებთ უფრო აღმატებულ გზას.

### ნიჭი სიყვარულის გახეშე აჩაფეხია

**13** თუ მე ადამიანთა და ანგელოზთა ენებით ვლაპარაკობ, ხოლო სიყვარული არა მაქვს, მაშინ ჟღარუნა რვალი ვარ ან ჩხარუნა წინწილა.

2 წინასწარმეტყველებაც რომ მქონდეს, ყოველი საიდუმლო და მთელი ცოდნაც რომ ვუწყოდე, სრული რწმენაც რომ მქონდეს, ისეთი, მთების გადაადგილება რომ შემეძლოს, ხოლო სიყვარული არ მქონდეს, არარაობა ვიქნებოდი.

3 მთელი ჩემი ქონება რომ დავარიგო და ჩემი სხეული

დასაწვავად გავწირო, ხოლო სიყვარული არ მქონდეს, არაფრად ვევარგები.

### სიყვარულის გამოჩენა

4 სიყვარული სულგრძელია, სიყვარული ქველმოქმედია, არ შურს, არ ყოყოჩობს, არ ამპარტავნობს,

5 არ სჩადის უწესობას, თავისას არ ეძიებს, არ მრისხანებს და არ განიზრახავს ბოროტს,

6 არ ხარობს სიცრუით, არამედ ჭეშმარიტება ახარებს.

7 ყოველივეს იტანს, ყველაფერი სწამს, ყველაფრის სასოება აქვს და ყოველივეს ითმენს.

### ჩემნა, სასოება, სიყვარული

8 სიყვარული არასოდეს მთავრდება. წინასწარმეტყველებანი იყოს, გაუქმდება, ენები იყოს, შეწყდება, ცოდნა იყოს, გაუქმდება.

9 ვინაიდან ნაწილობრივი ვიცით და ნაწილობრივს ვწინასწარმეტყველებთ.

10 და როცა სრულყოფილი მოვა, ნაწილობრივი განქარდება.

11 როცა ბავშვი ვიყავი, ბავშვურად ვმსჯელობდი. როცა კაცი გავხდი, ყოველივე ბავშვური მივატოვე.

12 ვინაიდან ახლა ჩვენ ვხედავთ სარკით, ბუნდოვნად, მაშინ კი პირისპირ. ახლა ვიცი მცირეოდენი, ხოლო მაშინ შევიცნობ ისე, როგორც მე ვარ შეცნობილი.

13 ახლა კი რჩება რწმენა, სასოება, სიყვარული—ეს სამი. მათგან უდიდესი კი სიყვარულია.

### ენები განუმახტებლად აჰ აშენებენ

14 ესწრაფეთ სიყვარულს და ეშურეთ სულიერ ნიჭებს, უფრო კი, რომ იწინასწარმეტყველოთ.

2 ვინაიდან, ვინც ენით ლაპარაკობს, ის ადამიანებს კი არ ელაპარაკება, არამედ ღმერთს, რადგან არავის ესმის. რადგან სულით ლაპარაკობს იგი საიდუმლოებებს.

3 ხოლო, ვინც წინასწარმეტყველებს, ის ადამიანებს

ელაპარაკება აღსაშენებლად, სანუგეშებლად და გასამხნეველად.

4 ენით მოლაპარაკე თავის თავს აშენებს, ხოლო ვინც წინასწარმეტყველებს, ეკლესიას აშენებს.

5 მე მსურს, რომ თქვენ ყველანი ლაპარაკობდეთ ენებით. და უფრო მეტად, რომ წინასწარმეტყველებდეთ, ვინაიდან, ის, ვინც წინასწარმეტყველებს, ენებით მოლაპარაკეზე მეტია, თუ განმარტავს კიდევც, რათა ეკლესია აღშენდეს.

6 ახლა კი, ძმანო, თუ მთავალ თქვენთან და ვილაპარაკებ ენებით, რა სარგებლობას მოგიტანთ, თუ არ გეტყვით ან გამოცხადებით, ან ცოდნით, ან წინასწარმეტყველებით, ან მოძღვრებით?

7 ასევე უსულო საგნები, რომლებიც ხმას გამოსცემენ—სტვირი ან ებანი, თუ ხმებში არ იძლევიან განსხვავებებს, როგორ შეიცნობა, რას უკრავენ სტვირზე ან ებანზე.

8 საყვირიც თუ გაურკვეველ ხმას გამოსცემს, ვინ გაემზადება საბრძოლველად?

9 ასევე თქვენც თუ ერთ-ერთს გაურკვეველ სიტყვას წარმოთქვამთ, როგორ გაიგება ნალაპარაკები? ჰაერში ილაპარაკებთ.

10 მაგალითად, რამდენი განსხვავებული სიტყვაა სოფელში და მათგან არც ერთი არ არის უმნიშვნელო.

11 ამიტომ, თუ სიტყვის მნიშვნელობა არ ვიცით, უცხო ვიქნები მოლაპარაკისათვის, ხოლო მოლაპარაკე – უცხო ჩემთვის.

12 ასევე თქვენც, როცა ეშურებით სულიერ ნიჭებს, ეცადეთ იუხვოთ ეკლესიის აღსაშენებლად.

13 ამიტომ ილოცოს ერთ-ერთს მოლაპარაკემ, რათა განმარტოს კიდევ.

14 ვინაიდან, როცა ერთ-ერთს ვლოცულობ, ჩემი სული ლოცულობს, ჩემი გონება კი უნაყოფოა.

15 მაშ, რა ვქნათ? ვილოცებ სულით და გონებითაც ვილოცებ. ვიგალობებ სულით და გონებითაც ვიგალობებ.

16 ვინაიდან, თუ სულით აკურთხებ, როგორ იტყვის

ამინს შენს მადლობაზე უმცარტაგანი ვინმე, თუ არ ესმის, რას ამბობ შენ?

17 აი, შენ კეთილად სწირავ მადლს, მაგრამ სხვა არ შენდება.

18 ვმადლობ ჩემს ღმერთს, რომ ყველა თქვენგანზე მეტს ვლაპარაკობ ენებით.

19 მაგრამ მირჩევნია ეკლესიაში ხუთი სიტყვა ვთქვა ჩემი გონებით, რათა სხვებსაც ვასწავლო, ვიდრე ათი ათასი სიტყვა – ენებით.

### უხმუნოს ამხელს

#### წინასწარმეტყველება

20 ძმანო! ნუ იქნებით ბავშვები გონებით. მხოლოდ ბოროტებისათვის გახდით ბავშვები, გონებისთვის კი სრულწლოვანი იყავით.

21 რჯულში სწერია: „სხვა ენებით და სხვათა ბაგეებით დაველაპარაკები ამ ხალხს და მაინც არ მომისმენენ მე, ამბობს უფალი.“

22 ამიტომ ენა მორწმუნეთათვის კი არ არის ნიშანი, არამედ ურწმუნოთათვის. და წინასწარმეტყველება ურწ-

მუნოთათვის კი არ არის, არამედ მორწმუნეთათვის.

23 და აი, თუ მთელი ეკლესია ერთად შეიკრიბება და ყველანი ილაპარაკებენ ენებით და შემოვლენ უმეცარნი ან ურწმუნონი, განა არ იტყვიან, შეშლილები ხართო?

24 მაგრამ, თუ ყველანი წინასწარმეტყველებენ და შემოვა ვინმე ურწმუნო ან უმეცარი, მას ყველა ამხელს და ყველა განსჯის,

25 და ამრიგად გამომჟღავნდება მისი გულის დაფარულობა. ის დაემხობა ძირს, თაყვანს სცემს ღმერთს და იტყვის, რომ ჭეშმარიტად თქვენს შორის არის ღმერთი.

### ჩოგოჩი ილაპარაკოს და ინინასწარმეტყველოს ენებისაში

26 მაშ, რაღა, ძმანო? როცა თქვენ იკრიბებით, ყოველს აქვს ფსალმუნი, აქვს სწავლა, აქვს ენა, აქვს გამოცხადება, აქვს განმარტება – ყოველივე ეს ხდებოდეს აღსაშენებლად.

27 თუ ვინმე ლაპარაკობს ენებით, ილაპარაკოს ორ-ორ-

მა, ან დიდი-დიდი სამმა, ერთიმეორის მიყოლებით, და ერთმა განმარტოს.

28 თუ არ არის განმმარტებელი, მაშინ გაჩუმდეს ეკლესიაში და ელაპარაკოს თავის თავს და ღმერთს.

29 წინასწარმეტყველებმა კი ილაპარაკონ ორმა ან სამმა, ხოლო სხვებმა განსაჯონ.

30 თუ სხვას გამოეცხადება იქ მკდომთაგანს, პირველი გაჩუმდეს,

31 ვინაიდან ყველას სათითაოდ შეგიძლიათ წინასწარმეტყველება, რათა ყველამ ისწავლოს და ყველამ ინუგეშოს.

32 წინასწარმეტყველთა სულები ემორჩილებიან წინასწარმეტყველთ.

33 ვინაიდან ღმერთი უწესრიგობის კი არ არის, არამედ მშვიდობისაა, როგორც წმიდათა ყველა ეკლესიაში.

34 დედაკაცებმა იყუჩონ ეკლესიებში, რადგან უფლება არა აქვთ ილაპარაკონ, არამედ მორჩილად იყვნენ, როგორც რჯულიც ამბობს.

35 ხოლო თუ რამის შესწავლა სურთ, ჰკითხონ თავიანთ

ქმრებს სახლში. ვინაიდან სამარცხვინოა დედაკაცისათვის ეკლესიაში ლაპარაკი.

36 განა თქვენგან გამოვიდა ღვთის სიტყვა? ან მართო თქვენამდე მოაღწია?

37 თუ ვინმეს თავი წინასწარმეტყველი ეგონოს, ანდა სულიერი, დაე, გაიგოს, რომ რასაც მე თქვენა გწერთ, უფლის მცნებაა.

38 ხოლო თუ ვინმე უვიცია, უვიცი იყოს.

39 მაშ, ასე, ძმანო, ეშურეთ, რომ იწინასწარმეტყველოთ, მაგრამ ენებზე ლაპარაკს ნუ აკრძალავთ.

40 ყველაფერი შესაფერისად და წესიერად ხდებოდეს.

### მხავრი და სხვადასხვა მონმენი ქრისტეს აღდგომისა

15 გაუწყებთ თქვენ, ძმანო, სახარებას, რომელიც მე გახარეთ, რომელიც კიდევ მიიღეთ და რომელზეც დგახართ.

2 რომლითაც გადარჩებით კიდევ, თუ დაიცავთ სიტყ-

ვას, მე რომ გახარეთ, თუ ფუჭად არ ირწმუნებთ.

3 ვინაიდან თავიდანვე გადმოგეცით ის, რაც მე თავად მივიღე, რომ ქრისტე მოკვდა ჩვენი ცოდვებისათვის, როგორც წერილებშია,

4 და რომ დამარხულ იქნა და რომ აღდგა მესამე დღეს, როგორც წერილებშია,

5 და რომ გამოეცხადა კეფას და შემდეგ თორმეტს.

6 შემდეგ გამოეცხადა ხუთასზე მეტ ძმას ერთდროულად, რომელთაგან უმრავლესნი აქამდე ცოცხალნი არიან, ზოგმა კი განისვენა.

7 შემდეგ გამოეცხადა იაკობს და მერე ყველა მოციქულს.

8 ხოლო ყველაზე ბოლოს, როგორც უღლეურს, გამოეცხადა მეც.

9 ვინაიდან უმცირესი ვარ მოციქულთა შორის და მოციქულად წოდების ღირსიც არა ვარ, რადგან ვდევნიდი ღვთის ეკლესიას.

10 მაგრამ ღვთის მადლით ვარ, რაცა ვარ. და მისი მადლი არ იყო ჩემს მომართ ფუ-

ჭი, არამედ ყველა მათგანზე მეტს ვშრომობდი - არა მე, არამედ ღვთის მადლი, რომელიც ჩემთანაა.

11 და აჰა, მე ვარ თუ ისინი, ასე ვქადაგებთ, და თქვენც ასე ირწმუნეთ.

**თუ ქრისტე ახ აღდგა,  
მაშინ თქვენი ხნმენა  
ამაოა**

12 ხოლო თუ ქრისტეზე იქადაგება, რომ ის აღდგა მკვდრეთით, როგორღა ამბობს ზოგიერთი თქვენგანი, არ არის მკვდრეთით აღდგომა?

13 მკვდრეთით აღდგომა თუ არ არის, ქრისტეც არ აღმდგარა.

14 ხოლო ქრისტე თუ არ აღმდგარა, ჩვენი ქადაგებაც ფუჭია და ფუჭია თქვენი რწმენაც.

15 მაშინ ჩვენ ვიქნებოდით ღვთის ცრუ მოწმენი, რადგან დავამოწმებდით ღმერთზე, რომ მან აღადგინა ქრისტე, რომელიც არ აღუდგენია, თუ მართლაც არ აღდგებიან მკვდრები.

16 რადგან, თუ მკვდრები არ აღდგებიან, არც ქრისტე აღმდგარა.

17 ხოლო თუ ქრისტე არ აღდგა, თქვენი რწმენა ფუჭია და კვლავ თქვენს ცოდვებში ხართ.

18 მაშინ ისინიც დაღუპულან, რომელთაც ქრისტეში განისვენეს.

19 და თუ ჩვენ მხოლოდ ამ ცხოვრებაში ვართ ქრისტეს მოიმედენი, ყველა ადამიანზე საცოდავნი ვყოფილვართ.

20 მაგრამ მკვდრეთით აღდგა ქრისტე, განსვენებულთა ნათავარი.

21 ვინაიდან, როგორც კაცის მიერ მოვიდა სიკვდილი, ასევე კაცის მიერ - მკვდრეთით აღდგომა.

22 ვინაიდან, როგორც ადამში კვდება ყველა, ასევე გაცოცხლდებიან ქრისტეში.

23 და თითოეული თავისი წესით: პირველად - ქრისტე, ხოლო შემდეგ ქრისტესნი მისი მოსვლისას.

24 მერე კი დასასრული, როცა მეფობას გადასცემს უფალსა და მამას, მას შემ-

დეგ, რაც გააუქმებს ყოველ მთავრობას, ყოველ უფლებასა და ძალას.

25 ვინაიდან მან უნდა იმეფოს, ვიდრე თავის ფეხქვეშ მოაქცევდეს თავის ყველა მტერს.

26 ხოლო უკანასკნელი მტერი, რომელიც განქარდება, სიკვდილია.

27 იმიტომ, რომ ყოველივე დაამორჩილა მის ფეხქვეშ. ხოლო როცა ნათქვამია, რომ ყოველივე მას დაემორჩილა, ცხადია, გარდა იმისი, რომელმაც მას დაუმორჩილა ყოველივე.

28 და როცა ყოველივეს მას დაუმორჩილებს, მაშინ თვით ძეც დაემორჩილება იმას, ვინც ყოველივე მას დაუმორჩილა, რათა ღმერთი იყოს ყველაფერი ყველაფერში.

29 თორემ რას აკეთებენ მკვდართათვის მონათლულნი? თუ მკვდრები საერთოდ არ აღდგებიან, რატომ ინათლებიან მკვდართათვის?

30 და ჩვენც ყოველჟამს რატომ ვართ საფრთხეში?

31 ვფიცავთქვენდამი ჩემს სიძალადულს, ძმანო, რომელიც ჩვენს

უფალ ქრისტე იესოში მაქვს, რომ ყოველდღე გვკვდები.

32 თუ ადამიანურად ვებრძოდი ავ მხეცებს ეფესოში, რა სარგებელი მაქვს, თუ მკვდრები არ აღდგებიან? „ვჭამოთ და ვსვათ, რადგან ხვალ დავიხოცებით!“

33 ნუ დაიბნევი: ცუდი საზოგადოებანი ხრწნიან კეთილ ჩვევებს.

34 გამოფხიზლდით ჭეროვნად და ნუ სცოდავთ. ვინაიდან თქვენდა სამარცხვინოდ ვამბობ, რომ ზოგიერთები არ იცნობენ ღმერთს.

### იმოგოხ აღდგებიან მკვდრები?

35 მაგრამ იტყვის ვინმე: როგორ აღდგებიან მკვდრები და რომელ სხეულში მოვლენო?

36 უგუნურო! რასაც დათესავ, არ გაცოცხლდება, თუ არ მოკვდა.

37 და როცა თესავ, იმ სხეულს კი არ თესავ, რომელიც იქნება, არამედ შიშველ მარცვალს, ხორბლის იქნება თუ რომელიმე სხვისა.

38 ხოლო ღმერთი აძლევს მას სხეულს, როგორც ნებავს, თითოეულ თესლს თავის სხეულს.

39 ყოველი ხორცი ერთი ხორცი როდია, არამედ ადამიანის ხორცი სხვანაირია, ცხოველის ხორცი სხვანაირი, ფრინველის ხორცი სხვანაირი, თევზისა სხვანაირი.

40 არის ციური სხეულები და არის მიწიერი სხეულები, მაგრამ ციურის დიდება სხვაა და მიწიერისა – სხვა.

41 სხვანაირია მზის დიდება, სხვანაირია მთვარის დიდება და სხვანაირია ვარსკვლავთა დიდება, რადგან ვარსკვლავიც განირჩევა ვარსკვლავისაგან დიდებით.

42 ასევე მკვდრეთით აღდგომაც: ითესება ხრწნილებით და აღდგება უხრწნილებით.

43 ითესება დამცირებით და აღდგება დიდებით. ითესება უძლურებაში და აღდგება ძლიერებაში.

44 ითესება მიწიერი სხეული და აღდგება სულიერი სხეული. არის მიწიერი სხე-

ული და არის სულიერი სხეული.

45 ასეც სწერია: „პირველი კაცი ადამი გახდა ცოცხალ არსებად.“ ხოლო უკანასკნელი ადამი – მაცოცხლებელ სულად.

46 მაგრამ პირველად სულიერი კი არ არის, არამედ მიწიერი და შემდეგ სულიერი.

47 პირველი კაცი მიწისგანაა, მიწიერი, ხოლო მეორე კაცი – ცისაგან.

48 და როგორც მიწიერი, ისევე მიწიერნი, და როგორც ზეციერი, ისევე ზეციერნი.

49 და როგორც ვატარებდით მიწიერის ხატებას, ასევე ვატაროთ ზეციერის ხატებაც.

### ჩვენ ყველანი შევისვენებით

50 ამას კი გეტყვით, ძმანო, რომ ხორცსა და სისხლს არ ძალუძთ ღვთის სასუფევლის დამკვიდრება, და ხრწნაც ვერ დაიმკვიდრებს უხრწნილებას.

51 აი, მე საიდუმლოს გეუბნებით: ყველანი არ გან-



ვისვენებთ, მაგრამ ყველანი შევიცვლებით

52 ერთ წამში, თვალის დახამხამებაზე, უკანასკნელ საყვირზე. ვინაიდან დასძახებს საყვირი და მკვდრები აღდგებიან უხრწნელად, ხოლო ჩვენ შევიცვლებით.

53 ვინაიდან, ეს ხრწნადი უხრწნელებით უნდა შეიმოსოს და ეს მოკვდავი უკვდავებით უნდა შეიმოსოს.

### სად არის, სიკვდილო, შენი ნესტარი?

54 ხოლო, როცა ეს ხრწნადი უხრწნელებით შეიმოსება და ეს მოკვდავი – უკვდავებით, მაშინ ახდება დაწერილი სიტყვა: „სიკვდილი შთაინთქა ძლევიტ.“

55 „სად არის, სიკვდილო, შენი ნესტარი? სად არის, ჯოჯოხეთო, შენი ძლევა?“

56 სიკვდილის ნესტარია ცოდვა, ხოლო ცოდვის ძალა რჯულია.

57 მაგრამ მადლობა ღმერთს, რომელიც გვაძლევს ძლევას ჩვენი უფლის იესო ქრისტეს მიერ.

58 ამიტომ, ჩემო საყვარელო ძმანო, იყავით მტკიცენი და შეურყეველნი, მუდამ იუზვეთ უფლის საქმეში, რადგან იცით, რომ ფუჭი არაა თქვენი შრომა უფლის წინაშე.

### გებმა შესანიხავსა და მონახულებაჲ

16 რაც შეეხება წმიდა-თათვის შესაწირავს, როგორც გალატიის ეკლესიებს დავუწესე, თქვენც ისე მოიქეცით.

2 ყოველ ერთშაბათს თითოეულმა თქვენგანმა გადადოს თავისთან და გადაინახოს, რამდენადაც ხეირი ნახოს, რათა ჩემი მოსვლისას არ იწყებოდეს შეგროვება.

3 ხოლო როცა მოვალ, ვისაც თქვენ სცნობთ სანდოდ, იმათ მოვავლენ წერილებით თქვენი ძღვენის წასაღებად იერუსალიმში.

4 და თუ იქ ჩემი წასვლაც ღირს, მაშინ ჩემთან ერთად წამოვლენ.

5 ხოლო მე მოვალ თქვენთან, როცა მაკედონიაზე გა-

ვივლი, ვინაიდან მაკედონი-  
აზე უნდა გავიარო.

6 თქვენთან კი, შესაძ-  
ლოა, გავჩერდე, ან იქნებ გა-  
მოვიზამთრო, რათა გამაცი-  
ლოთ იქ, სადაც წავალ,

7 ვინაიდან ახლა არ მინდა  
თქვენი ნახვა გავლით, არა-  
მედ ვიმედოვნებ რამდენიმე  
ხანს დავრჩე თქვენთან, თუ  
უფალი ინებებს.

8 ხოლო ეფესოში დავრჩე-  
ბი ორმოცდამეათე დღემდე,

9 ვინაიდან ჩემთვის ღიაა  
ღვწლის ფართე კარი და მოწი-  
ნალმდეგენიც მრავლად არიან.

### ტიმოთეს და აპოლოსის მონახულების შესახებ

10 და თუ ტიმოთე მოვა,  
ეცადეთ, რომ უშიშრად იყოს  
თქვენთან, ვინაიდან ის უფ-  
ლის საქმეს აკეთებს ისევე,  
როგორც მე.

11 ამიტომ არავინ უგულე-  
ბელყოს იგი. გამოისტუმრეთ  
მშვიდობით, რათა მოვიდეს  
ჩემთან, ვინაიდან ველოდები  
მას ძმებთან ერთად.

12 რაც შეეხება ძმა აპო-  
ლოსს, ძალიან ვეხვეწებოდი,

რომ მოსულიყო თქვენთან  
ძმებითურთ, მაგრამ არ ისურ-  
ვა ახლა წამოსვლა. მაგრამ  
მოვა, როცა შეძლებს.

### შეკონებანი და მოკითხვანი

13 იფხიზლეთ, იდექით  
რწმენაში, იყავით მამაცნი,  
გამაგრდით.

14 ყოველივე თქვენი სიყვა-  
რულში იყოს.

15 ხოლო შეგაგონებთ, ძმა-  
ნო: ხომ იცით სტეფანას სახ-  
ლობა, რომელიც აქაიას პირ-  
ველი ნაყოფია, და რომ მათ  
თავიანთი თავი მიუძღვნეს  
წმიდათა მსახურებას.

16 თქვენც დაემორჩილეთ  
ასეთებს და ყველას, ვინც თა-  
ნამშრომელი და მოღვაწეა.

17 და აი, მიხარია სტეფა-  
ნას, ფორტუნატეს და აქაი-  
კოსის მოსვლა, ვინაიდან  
მათ შემივსეს თქვენი არ-  
ყოფნა,

18 და დაამშვიდეს ჩემი სუ-  
ლიც და თქვენიც. ამიტომ  
სცანით ასეთები.

19 მოგიკითხავენ აზიის ეკ-  
ლესიები. დიდად მოგიკითხა-

ვენ უფლის მიერ აკვილა და პრისკილა და ასევე მათი საშინაო ეკლესია.

20 მოგიკითხავთ ყველა ძმა. მოიკითხეთ ერთმანეთი წმიდა ამბორით.

21 მოგიკითხავთ ჩემი, პავლეს, ხელით.

22 ვისაც არ უყვარს უფალი იესო ქრისტე, იყოს შეჩვენებული. მარანათა!

23 ჩვენი უფლის იესო ქრისტეს მაღლი იყოს თქვენთან

24 და ჩემი სიყვარული ყველა თქვენგანის მიმართ ქრისტე იესოში. ამინ.